

MITI MUMU NJIC

Papia mañnao dân forakac irec dân qizecne zinjuc honengopenen: Mârenko wiac forakac â jurakac erâ hurerâ ro rauc erâ bajuenngopenen i fâri tâmiric sasawa. Dân izi arecne 22 fuakac, erâ *Mataio gan 16:26* dân fokac irec âgone ekac. Eme dân wiac gâcne forakac izi qizecne â wâtuñne i hâcne keteñkehuc basanañkekac. Mâc Anutuzi wiac injucne nâre tahac eocmuo ine danđe mumuten ecnerâ bubian manahuc nâ bac enzepenen, qârenñic e injuc mukac. E Anuture fuñne mana taraocte emâmânñkekac, erâ wiac sasawa fâri tâmiric ekac, mâren â wiacte wiac â ñic juju â eebapa-nâñecte fuñne injuc hone tarahuc sifu Anutu mi bebehe eraoa qohotahuc jaha zinjuc mukac: “Anutu e ñic tiñne â biane bâfuac-nâpowec, ehame ñic nânâc ine mamana biri hatane fuñne fuñne bâfuaenngopenen.” (7:29) Miti Mumu Njic papia irec zânje Miti Qârio mi fuakac â Anuture zânje “Wofun” i papia mañnao wâc basanngopenen.

Papia qârenñewec qârenñic ere zânje mi mananngopenen. Mâc zinjuc sawa honengopenen: E Salomози mañqârân dân mu qâren ewec ira iticnehuc papia-ticne qârenñewec. Erâ papia tataranao zinjuc wosenngopenen: Miti Mumu Njic e ñic mañqârânñhec juwecte ñic ñokac mañqârân dân jaha jaza qazuc ewec. Ine hâcne e mañqârân dân mumure qağazu moc juwec.

Njic e mâren sâko mâren me irec fainao wiac

forakac â jurakac irec mâretec manabâc ehuc juwec. Wiac sasawa i dameņ-ticnehec â mâreņte temane â fâri tâmiric. E iņuc manapaņkehuc, Anuture micdâņ â ñic jaņere juju hata mana-fâreņgopeneņ, ñic dâņ iņuc muengopieņ jaņere dâņ bawahaocte dâņticne mu qâreņ ewec hâcne.

Papia maņnao dâņ me binaņ wiac zuzuhuc moc mi fokac, aricne.

Dâkâne 1 Mi Mu 1—6 ira dâņ forakac i gae wiac titinac sasawa.

Dâkâne 2 Mi Mu 7—12 irec maņnao ine dâņ wiac buc buc râe rakicne.

Wiac sasawa forakac i fâri tâmiric

¹ Dawidire ñokâ Miti Mumu Njiczi Jerusalem haeo ñicwofuņ juwec ere dâņ zine hâcne.

² Miti Mumu Njic e dâņ kecziņuc muwec: Wiacte wiac forakac i fâri tâmiric, â juju i wâc fâri tâmiric jaha. ³ Ñoņe mâreņko juhuc gie zocnehec baengopieņ irec fârine wemo wiac mo bâfuaengopieņ? ⁴ Ñic gaņne gaņne jaņe fua omaec eengopieņ, â mâreņ sâko mâreņ e ine foweczi fohuc juekac jaha. ⁵ Ehame zoaņzi huc wefuc eekac, ehuc mocwâc wefuocte wefuekacko risieekac. ⁶ Mâņâņ e juwic mâreņkonec wefuekac erâ wâc faic mâreņkonec wahaekac, iņuc ehuc mâreņ râreckehuc mocwâc risieekac. ⁷ Opâ sâko sasawa jaņe hâwecko huenngopieņ, ehame sifu hâweczi mi qâmbârîņkeekac; erâ opâ jaņe qizec-jeņicko risierâ mocwâc fuņkerâ raengopieņ. ⁸ Ñic nâņâc wiac sasawa ebac ehuc docke betaņ eengopeneņ, ehuc irec fuņne munâņte dâņ basaengopeneņ. Zâņe-nâņeczi wiac tatakic tâmiric honeekac â

hazec- nâñeczi tatakic tâmiric dâñ manaekac. ⁹ Wiac fuarâ fowec izia mocwâc fuarâ foocmu â wiac ebac ekicne ijaha mocwâc ebac eniñmu; mâreñko wiac furune moc mi fuaekac. ¹⁰ Irec wiac moc fuame honerâ ziñuc sâcne muniñmu: “Honec, wiac keci furune?” Aricne, i mârâc jaha jâmbâñ, nâñac mi fuarâ juhapene biac fuarâ fowec hâcne. ¹¹ Mimiñnefâc-nâñec jañe juhapie wiac fuawec i moc mi manasuengopeneñ iñuc jaha ñic jufenzongopieñ me ziñuczia juengopeneñ dameñ ñondeñ irec mañnao wiac fua raocmu i wâc mi manasunzongopieñ.

Miti Mumu Njic wiac ebac ewec irec dâñ

¹² Miti Mumu Njic no Jerusalem haeo Israe ñic jañere ñicwofuñ jupo. ¹³ Ehuc ñic nâñac mâreñko wiac sasawa ebac eengopeneñ irec fuñne hone mana tarac epemurâ mamana gie sâko bahuc jupo. Manañgopieñ, Anutu e ñic nâñac gie munârewec i wiac ñemâcne â zâic busâqoc-ticnehec. ¹⁴ Njic nâñac mâreñko wiac sasawa ebac eengopeneñ i hone-fârepo, ehuc ziñuc mana tarapo: I fâri tâmiric sasawa, mângâñ mezi rorâ basanañkezo eipieñgopeneñ irec sâc. ¹⁵ Wiac hehesicne i bâbâpiankenere sâc mi eekac, â wiac mi foha basahuc sâcne mi woseengopeneñ. ¹⁶ No mañnanezi ziñuc manapo: “No ñic mañqârâñ sâkohec jukopac, juwicnao Jerusalem haeo guriñ bapa gie bahuc jumbiñ ñic i jañere sâc sirickehuc mañqârâñhec jukopac hâcne. Irec no mañqârâñ â mamana tara jahere fuñne manakopac.” ¹⁷ No iñuc manahuc mañqârâñ â mamana tara erâ mutuc matacne irec fuñne mana

tarapemurâ gie sâko bahuc jupo. Ehuc zinjuc mana tarapo: Gie i mânân mezi rorâ basanañkezo eipieenngopenej irec sâc jaha. ¹⁸ Manqârân fekicne fonâreocmuo ine mana mezac bocjaha enañmu, â mamana sâkohec junañmuo ine zâic busâqoc wâc boc mananañmu.

2

¹ No mañnanezi zinjuc manapo: “No bubian faio jujuhâmo irec fuñne manazepac.” Injuc muhuc zinjuc mana tarapo: I wiac fâri tâmiric jaha. ² Erâ zinjuc wâc mana tarapo: Mu gâgâwi ee i wiac mutucne, â bubian faio juju izi wâc mi bafic-nâpoekac. ³ Eme mañqârânheç jujure boc enareme zinjuc mupañkepo: No waiñ opâ nârâ sahad-nane afeckeme bubian faio juzepac. No zinjuc hâcne manasupo: Njic nânâc mârenko damen bemberne sawa juhuc injuc mecne epene biankeocmu.

⁴ No gie sâko bape fârinehec efârewec. Ehuc fic wiac-nane barâ waiñ gie he sarac epo. ⁵ Erâ monzañ gie â jufu gie-nane bahuc jâc fuñne fuñne sarapo wâc. ⁶ No opâ nombân ropo, eme irecnec opâzi rahuc jâc wiac i bâgunucke-fârewec. ⁷ No kiñañ qaqa njic ñokac furi bacjopapo, â no nahacne ficko kiñañ qaqa fuambin wâc. No lama bulimakao bacjopa jupo i juwicnao Jerusalem haeo guriñ bapa njic jañe bacjopa jumbin jañere sâc sirickewec. ⁸ Erâ no mârenj sâc njicwofuñ soñañ-jopahuc jupo jañere kânorñkonec siliwa â gol ro qâzuc epo. Ehuc gae hehe njic ñokac rocjopape gae henarehuc jumbin; ehame

hone aṅac ejarepemurâ ṅokacfâc-nane bocjaha junarembiṅ wâc.

⁹ No iṅuc ehuc zâṅe biṅehēc erâ juwicnao Jerusalem haeo jumbiṅ jaṅe siric-jopa-fârerâ maṅqârâṅ-nanehec jaha jupo. ¹⁰ No wiac i me i rorâ bajuzo enareme rorâ bajupo, ehuc wiac bubiaṅnehec moc mi bâsuepo. No gie sasawa bafârepo izi bubiaṅ bâfua-narewec, erâ bubiaṅ izi gie furi-nane ewec. ¹¹ Eme zâhec ine wiac ebac efârepo â gie sâko bahuc jupo irec manasurâ ziṅuc mana tarapo: I wiac fâri tâmiric sasawa, erâ mezi mânâṅ rorâ basanaṅkezo eipieṅgopenēṅ irec sâc; erâ wâc ziṅuc mana tarapo: Mâreṅko juhuc wiac fârine moc bâbâfuane mi fokac. ¹² Ine hâcne, ṅicwofuṅ moc e wiac furune moc mi ehuc, ere juwicnao ṅicwofuṅ juwefumbiṅ jaṅe wiac ebac embiṅ i sawa sâcne ebac eocmu.

No iṅuc mana tararâ maṅqârâṅhec juju â ma-mana tâmiric mutuc matacne juju irec fuṅne manapemurâ mamasasu gie bapo: ¹³ Baku ziṅuc mana tarapo: Tatamaczi dapâc sirickerâ fefene eekac iṅuc jaha maṅqârâṅzi mutuc matacne sirickerâ fefene eekac. ¹⁴ Nĭc maṅqârâṅhec jaṅe hata-jēṅic hone tarahuc raēṅgopiēṅ, â ṅic mutucne jaṅe ine dapâcko qinṅunṅkehuc juēṅgopiēṅ. Nĭfec ine ziṅuc wâc mana tarapo: Maṅqârâṅhec me mutuc matacne juēṅgopenēṅ nâṅâc wiac hâhâwicne sâc ijaha fua-nâreocmu. ¹⁵ No iṅuc mana tararâ ziṅuc mupo: “Nĭc mutucne wiac fua-jareocmu ijaha no fua-nareme ziṅuc mupemu: No wemocte maṅqârâṅhec jupo?” Iṅuc murâ mupo: “Maṅqârâṅhec juju-nane i wiac fâri

tâmiric jaha.” ¹⁶ Juku njic moczi moc mañqârâñhec jumbiñ jañe moc mi manasuc-jopaocmu, â njic mutuc matacne jumbiñ jañe wâc iñuc jaha mi manasuc-jopaocmu. Njic jañe juku nâñâcne nিকে- jopa-fâreocmu hâcne. Njic mañqârâñhec mecne â njic mutuc matacne mecne nâñâc mâmâc sasawa hâmo-fârenañmu. ¹⁷ No iñuc mana tarahuc juwe-fuhape wiac biañnezi mâcne, zârâ hâriñzi sawa fua-narewecte juju-nane qaisockepo. Wiac ebac epo i fâri tâmiric efârewec, nâñâc mezi mângân rorâ basanañkezo eipieeñgopeneñ irec sâc ewec hâcne.

¹⁸ No gie sâko bahuc wiac sasawa hure hemârec efârepo i kecziñuc muhuc manape fâri tâmiric ewec: Âkehocnuocmuzi raucke-fâreocmu. ¹⁹ E mañqârâñhec juocmu me mutuc matacne juocmu i mozi manakac? Ehame no mâreñko mañqârâñhec juhuc gie barâ wiac bâfuapo i sifu ro rauc efâreocmu. Irec wiac bâfua-fârepo i manape fâri tâmiric jaha ekac. ²⁰ No iñuc murâ, gie zocne fârone bahuc jupo irec busâqoc manapo. ²¹ Ziñuc honeeñgopeneñ: Nâñâc mamana â mañqârâñ bâfuarâ mamana sarichec juhuc gie bapene fârine fuaekac i njic moczi giene mi bapa mâc juku ro rauc eekac. I wâc iñuc jaha fâri tâmiric eekac â mi sâckeekac. ²² Nâñâc mâreñko gie zocne fârone bahuc jueñgopeneñ, eme irec fârine wemo wiac moc fua-nâreekac? ²³ Nâñâc wiac ebac eeñgopeneñ izi dameñ sâc busâqoc â aaric bâfua-nâreekac, ehame ñafeo wâc guñ sâcne mi foeñgopeneñ. Irec i fâri tâmiric jaha eekac.

²⁴ Fuñe iñuc fokacte njic nâñâc wiac hure

hemârec eenjopenenĵ irec aŋac manarâ nânâ opâ nâhuc juhapene biankeocmu mecne. No inĵuc manahuc njifec zinjuc mana tarapo wâc: I Anuturaonec jaha ware-nâreekac. ²⁵ Inĵuc mi fome muzac ine wemocko nânâ opâ nâhuc wiac gâcnere bubianĵ wâc mananzapenĵ. ²⁶ Anutu e mana-jareme biankeekac njic i jaŋe hâcne maŋqârâŋ â mamana tara â zeri bubianĵ tahac-jopaekac. Njifec ine njic hehesicne jaŋe gie bapie fârine fuame ro qâzuc eniŋte mujareekac; i njic gâcne mana-jareme boc biankeekac jaŋe jareocte inĵuc eekac. Erâ sifu irec wâc mâmâc manape fâri tâmiric eekac, ine mezi mâŋâŋ rorâ basanaŋkezo eipieenjopenenĵ irec sâc.

3

Wiac sasawa jaŋe damenĵ-jenĵic

¹ Mârenĵko wiac sasawa keczinĵuc jaŋe Anutuzi damenĵ bajareme sâc fuaenĵopienĵ:

² Fufua â hâmoc damenĵ,
hesarac â qa roro damenĵ.

³ Qaqac â bâbâsomie damenĵ,
fic hae ima bapa â bâbâpianĵ damenĵ.

⁴ Busâqoc â bubianĵ damenĵ,
ki mamakuc â gae wowo damenĵ.

⁵ Njowe ŋonâŋ juju â sowa juju damenĵ.
eehâmo â qaqaisoc damenĵ.

⁶ Wiac basarâ bâbâfua â behepene sisifucke irec damenĵ,

wiac qâqâzucke â bebehe irec damenĵ.

⁷ Wiac bâsucke behec â qâtâ bâpianĵ ee irec damenĵ,

dâñemâc juju â dâñehuc juju irec damen.

⁸ Manjaunhec juju â rârâsi damen,
zika â wama damen.

⁹ Njic nânâc gie-nâñec bahuc fârine wemo wiac bâfuaengopenen?¹⁰ Anutuzi gie ñemâcne fai-nâñecko râewec i hone tarakopac.¹¹ E wiac sasawa jañere damen i fâretin jaha râe-fârewec. Erâ wâc ñic nânâc wiac fua raocmu irec fuñne mananañte woworic râe-nârewec, ehuc ine sifu eebapa-ticnere fuñne mana taranzipenñte tâpiri mi qikiñne-nâreekac.¹² Irec no zinjuc mana tarapo: Njic nânâc mârenko junañmu sâc wiac i me i mi ebac ee mâc zeri bubian sawa manahuc jupene sâckezejec.¹³ Erâ zinjuc mana tarapo wâc: Nânâc nânâ opâ nâengopenen â gie bapene fârine fuame zeri eengopenen izi Anuturaonec taha hâcne.

¹⁴ Erâ wâc zinjuc manakopac: Anutuzi wiac sasawa ebac eekac i fofo sanañ, ñic nânâc ira zuhuckerâ wiac moc bapa, me irecnec wiac moc ro beheç ee i mi fokac. Anutu e ñic nânâc arañ bacnehuc junañte wiac inuc hâcne bâfua-fârewec.¹⁵ Wiac fuaekac me juku fuaocmu i mârâc jaha biac fua-fârewec, Anutu e wiac izia fuarâ fua eoçte giene baekac hâcne.

Mârenko hehesic fokac

¹⁶ Erâ i sawa mâcne, no zuhuckerâ wiac keczinuc wâc honepo: Mârenko mumutin gie â eebapa tinne foocce mukicne ira wiac hehesicne foekac.¹⁷ Inuc honerâ mañnanezi zinjuc manasupo: Anutu e gie â wiac sasawa irec damen bawecte ñic tinne â hehesicne

jaņere dâņ sâckoa mutaraocmu. ¹⁸ Erâ ziņuc manasupo wâc: Anutu e ņic nâņâc ziņuc nâzâ nâwotuc eocte ba esâic enâreekac: Ņoņe qowi jaņere sâc sirickerâ biaņne mi juengopieņ. ¹⁹ Irec qowi jaņe wiac fua-jareekac sâc ijaha nâņâc fua-nâreekac. Jaņe hâmoengopieņ sâc ijaha nâņâc hâmoengopeneņ, jaņe nâņâcne sâc jaha bâfuac-jopakicne. Ņic nâņâc jaņere sâc jâuruhuc biaņne mi juengopeneņ. Jaņere juju mecne â nâņâcne juju mecne i wiac fâri tâmiric jaha. ²⁰ Jaņe mecne â nâņâc mecne mâmâc hae mâreņ ijaha rafârenaņmu. Nâņâc mâmâc jaha mâreņkonec fuambenĭ irec mâmâc jaha mâreņko risie hunanĭmu. ²¹ Ņic nâņâcne mârozi faic feocmu â qowi jaņere mârozi juwic huocmu i mozi mana taraekac? ²² Irec kecziņuc mana tarapo: Ņic nâņâc gie bapene fârine fuame irec manasuhuc zeri bubiaņ epene sâckezejec. Wiac moc eene mi fokac. Nâņâc juku hâmohapene wemo wiac moc fua-nâreocmu i mananaņte hatane basaengopeneņ.

4

¹ Eme no mâreņko wiac hehesicne fua rakac i mocwâc hone-fârehuc ziņuc hone tarapo: Bâzâic-jopakicne jaņe kiohuc juhapie moczi moc mi bâmiriņ-jopawec. Râsifâc-jeņic jaņe tâpirihec jumbiņte moczi moc mi bâmiriņ-jopawec hâcne. ² Irec no hâmokicne jaņere manape zerine eha qâricne juņgopieņ jaņere manape busâqocnehec ekac. ³ Erâ wâc biac mi fuarâ jumbiņ, ehuc mâreņko wiac hehesicne fua rakac i mi honembiņ

jaņere manape zerine ekac i fuņmoc. Wemocte, i hâmokicne me qâricne juņgopieņ jaņere man-
aekopac irec sâc jâurukac.

⁴ No ņic jaņe gie zocne fârone bahuc juenģopieņ
irec fuņne kecziņuc hone mana tarac epo: Jaņe
ņic âgofâc-jeņic jaņe wiac bajuenģopieņ irec sâc
sirickehuc fua-jareocte iņuc hâcne eenģopieņ.
Erâ izi wiac fârine mâcne, i mezi mâņâņ rorâ
basanaņkezo eipieenģopeneņ irec sâc jaha ekac.

⁵ ņic mutuc matacnezi ojoņ juhuc nânâre hâmo
sipiric eekac i jâmbomac. ⁶ Erâ ine wiac sisirowe-
nao qohotahuc irec gie zocnehec bahuc mâcne,
wiac afecne sawa hurehuc maņwama bâfuapene
sâcke-hâmooomu.

⁷ Erâ no mâreņko wiac moc kecziņuc fuame
honeekopac: ⁸ ņic moc e naru motec me hahac
qafâc-ticne tâmiric buc juhuc gie zocne fârone
baekac, ehuc moneņ mafa hure hemârec eekac
irec maname mi sâckeekac. Ehame ziņuc mi
wioekac: “No zâic gie sâko i more erâ bahuc zeri
bubiaņ mi bâfuaekopac?” No mâsi iņucnere wâc
manape wiac racne â busâqocnehec eekac.

⁹ ņic jajahec jahe babafic ehuc gie bapire fârine
biaņne fuaocmu, irec ņic moc e bucticne mâcne,
âgonehec mâmâc jupire sâckeocmu. ¹⁰ Ehame
jaheraonec moczi waha qame âgonezi sâcne bafa-
hareocmu, â bucticne juhuc waha qame ine mo
âgo-ticnezi bafahareocmu, i aricne i! ¹¹ Me
mâmâteņ damenķo ņic jajahec jahe mâmâc jaha
fohuc heheâroņ sâcne enicmu, â ņic moc e buc
fohuc ine fâfâreocmu. ¹² Me ņic moc e buc juhame
râsizi fisirâ bawahaocmu, ņic jajaheczi babafic

ehuc ine râsi sâcne jâpenicmu. Repa moc muc jahec â moczi bapene mi tâcneocmu.

13-14 Njic waha qaqane moc e mâren-ticnere njicwofuŋ âkendâŋnezo murâ sâcne âkendâŋneniŋmu, â moc e kâpâcwâru ficko ŋekicnezi njicwofuŋ ŋeŋeo râepie ŋezo murâ sâcne ŋeocmu; izi juku njicqizec erâ mutuc ehuc uŋsawan dâŋ qikiŋneme manacnepie wawahane eocmu, â njicmotec hapetaczi maŋqârâŋhec jume ere ine manapie fefene eocmu. ¹⁵ No njic sasawa mârenko juenŋopien jaŋere manasuhuc ziŋuc mana tarapo: Jaŋere ŋondenkonec hâcne njicmotec moczi njicwofuŋ âkehoceocmu. ¹⁶ Njicwofuŋ moc e njic guru dindiŋ sâko guriŋ bajareocmu mecne, erâ ine wiac ebac ehuc juku hâ mohame sifu njic moczi irec mocwâc manasuhuc zeri bari mi eocmu. Erâ i wiac racne jaha, mezi mâŋâŋ rorâ basanaŋkezo eipieenŋopeneŋ irec sâc ekac.

5

Fâro faio mumupaŋ dâŋ mi muzo

¹ Go taha ufuŋko fezo murâ rucjarige bahuc fezemec. Ferâ Wofuŋ dâŋticnere hazec râetec mana-garepe fefene eocmu, â njic mutuc mat-acne jaŋe tiŋne â hehesic jahere fuŋne mi mana tarahuc bâzi rikeenŋopien irec sâc etec ine mana-garepe wawahane eocmu. ² Go dâŋ moc muzo murâ qanaŋ manasu biric ezemec, ehuc Anuture maio fâro faio mumupaŋ dâŋ mi muzemec. Anutu e sambâŋko jukac, â go ine

mâreŋko jukomec, irec dâŋ afecne sawa muzemec. ³ Go mana mezac boc ehuc guŋ sâqocne bocjaha manacmu, â dâŋ bocjaha mu razic wefuc ehuc mumusifuc dâŋ mucmu hâcne. ⁴⁻⁵ Go Anuturao mumupaŋ dâŋ moc mucmuo ine irec fârine bâfuacmurâ zoqac ezemec. E ŋic mutucne jaŋere mi ecneekac, irec go mumupaŋgere fârine bâfuazemec. Go, mumupaŋ-nanere fârine sâcne mi bâfuapemu, iŋuc muhuc mumupaŋ dâŋ moc mi muzemec. ⁶ Dâŋ musifuckehuc sâqocne bâfuazicte namenŋe soŋaŋkezemec. Go zâhec taha bapare maio ziŋuc muzicte iŋuc ezemec: No fâro ehuc musifuckepac. Go wemocte dâŋgezi Anutu aaric bâfuacnehuc giegere fârine hetâtieocte mukomec? ⁷ Go guŋ bocjaha manae-kicte dâŋ racne boc muekic, erâ sifu Anutu araŋ bacnetec sâckezejec.

Juju i wiac fâri tâmiric

⁸ Go kia gawamaŋ jaŋe ŋic qarâ suriŋne bâzâic-jopahuc dâŋgieo mi bafic-jopaniŋmu â dâŋjeŋic mi dopeckeninŋmuo ine mi wareckezemec. Kia fekicne jaŋe kia wahakicne ŋezic-jopaenŋopien, â gawamaŋ kâcqenezi kîafâc-ticne fekicne â wahakicne mâmâc ŋezic-jopa-fâreekac. ⁹ Irecec mâreŋ moc e ŋicwofuŋ-ticne jume sâckeocmu.

¹⁰ NĪc moc e monenŋe boc ecneocmuzi monenŋe harac jaha ehuc juocmu, â ŋic moc e monenŋe mafa sâkohec eocte manasuhuc wiac sasawa rozo muocmu i mi bâfuaocmu. Irece hata i fâri tâmiric jaha ekac.

11 Njic moc e monen mafa sâkohec juocmu e njic bocjaha jaņe nânâ jare gumec eocte muninju, ehame wemo wiac fârine moc bâfuaocmu? E mâc zinjuc sawa mana taraocmu: No mafa mâriri sâkohec juekopac. 12 Kinan qaqa moc e nânâ wiac bocjaha me afecne sawa nâhuc sifu guņ bianne focmu, â njic monen mafa sâkoheczi ine wiac sasawa-ticnere mana mezac boc ehuc guņqâri juocmu.

13 No mârenko wiac hâhâwicne kecziņuc fuame honeekopac: Njic jaņe zâhec wiac i me i moc basanzipințe monen-jenic ro qâzuc eenġopien. 14-15 Erâ juku wiac kosa ehuc behemie omae- fâreha naru motecfâc-jenic jarenințe basaenġopien. Njic nânâc mârenko metariņ fuamben inuc jaha juku hâmorâ metariņ jaha ranaņmu. Nânâc gie sâko bahuc juenġopenen, erâ sifu irec fârine i me i moc mi baranaņmu. 16 Wiac izi mi sâckeekac. Nânâc fuamben irec sâc jaha ranaņmu. Nânâc zocne fârone ehuc mezi mânâņ rorâ basanaņkezo gie sâko baenġopenen, ehuc irec fârine wemo wiac bâfuaenġopenen? 17 Dapâcmaņko juju, â busâqoc â memezac â aaric â huc zâic faio juju bâfuaenġopenen hâcne.

18 Mananġopien, no wiac zinjuc hone mana tarac ekopac: Nânâc Anutuzi juju damen bembene nârewec irec maņnao gie bapene fârine fuaekac irec zeri ehuc nânâ opâ nâpene biankeocmu. Njic nânâc inuc hâcne enanțe munârekicne. 19 Anutu e njic nânâc monen mafa â fic hae nâre tahac ehuc irec bubian mananțe mana- nâreocmuo ine danġe

mumutenĵ enzepenenĵ, ehuc gie bapene fârine fuaekac i bubianĵ manahuc nâ bac enzepenenĵ. Wiac i Anuturaonec taha moc hâcne. ²⁰ Nĭc nânĵac zeri bubianĵ faio junanĵte Anutuzi mana-nârewec, irec juju damenĵ-nâĵec bembenĵnere mana mezac boc mi enzepenenĵ.

6

¹ No mârenĵko juhuc ĵic janĵrao wiac hehesicne kecziĵuc fuame honepe mi sâckeekac: ² Anutu e ĵic moc e me e moneĵ mafa â zânĵe biĵe â fic hae erâ wiac ĵâcne sasaware ecneekac i mâmâc râcne-fâreocmu mecne. Erâ ine ĵic e wiac i nâ bac ehuc bubianĵ manazacte aka hecneha ĵic furune moczi nâ bac ehuc bubianĵ manaocmu. Mâsi iĵucne i wiac fâri tâmiric erâ mi sâcke-jâmbânĵkeekac. ³ Nĭc moc e damenĵ zora jufehame naru motecfâc-ticne 100 fuacneniĵmu mecne, ehame jujuhâmo moc mi bâfuaĵuc juku hâmome bianĵne mi duckeniĵmuo ine ere manape wawahane eha kogoc hâmocne fuawec ere ine manape fefene eocmu. ⁴ Kogoc iĵucnezi fuarâ izia dapâcko sifuckeme ere nĭkec-nâpoekac. ⁵ E zoanĵ tatamac moc mi honeocmu â jujure fuĵne wâc mi manaocmu, erâ sifu ĵic e sirickehuc jujumana haeo raocmu. ⁶ Kogoc iĵucnezi ĵic moc jara 2 tausenĵ jufehuc jujuhâmo mi bâfuaocmu ere sâc sirickeocmu hâcne. Erâ jahe sifu hae ijaha rakopirec.

⁷ Nĭc nânĵac gie sasawa baenĵopenenĵ i nânâ opâ-nâĵec bâfuananĵte baenĵopenenĵ, erâ ine sâcnâĵec bâfua-bĭpiehuc sifu manapene mi sâckeekac.

⁸ Ehame njic maŋqârâŋheczi weniŋuc ehuc njic mutuc matacne sirickeme biankeekac? Â njic qarâ suriŋne e juju bianŋnere fuŋne manaocmu izi sâcne bafickeocmu me? ⁹ Nâŋâc wiac fonâreekac irec manapene sâckezejec, me fonâre-bipieha zuhuckerâ ronante mupene ine sâqoreekac. Erâ i wiac fâri tâmiric jaha, mezi mânâŋ rorâ basanaŋkezo eipieenŋopenenŋ irec sâc ekac.

¹⁰ Wiac sasawa fua raekac i fuaocte Anu-tuzi mârâc jaha maname fowec. Irec nâŋâc ziŋuc manaenŋopenenŋ: Tâpiri-nâŋec siricke-huc juekac ehec dân mu qaqatarac sâcne mi enaŋmu. ¹¹ Sifu ehuc dân bocjaha mupene fâri tâmiric jaha eme wemo wiac bianŋne moc fua-nâreocmu? ¹² Njic nâŋâc mârenko juju damen-nâŋec bembenŋe â fâri tâmiric erâ mumuc inucne fuarâ omaeekac irec maŋnao weniŋuc jupene biankeocmu i mo njiczi moc manaekac? Me njic nâŋâc juku hâmopene faicnao mârenko wemo wiac moc fuarâ focmu i wâc mozi manarâ sâcne nâzâocmu?

7

Maŋqârâŋhec jujure dân gâcne gâcne

¹ Zâŋe biŋehac juju izi wokemaŋ âsu bianŋ irec sâc sirickeekac, â hâmoc damen-nâŋeczi fufua damen-nâŋec wâc sirickeekac.

² Hâmoczi woŋec-nâŋec fokac i qâricne juenŋopenenŋ nâŋâc manasuhuc junzepenŋ, irec nâŋâc gae wohuc zeri sâko eenŋopienŋ hae mârenŋ ira mâcne, makuc baenŋopienŋ ira rapene biankeocmu.

³ Zâic fâro faio juju izi mu gâgâwi faio juju sir-ickeme biankekecac, i njifec busâqoc bâfua-nâreecac â njifec ine mamasasiņ-nâņec basanaņkeekac.

⁴ Njic mutuc matacne e damenĵ sâc jujuhâmore sawa manasuecac, â njic maņqârâņhec eki ine hâmocte mâmâc manasuecac.

⁵ Njic maņqârâņheczi mu tutuc enâreme manapene fefene ezejec, â njic mutuc matacne jaņe mumbianĵ-nâpopie manapene wawahane ezejec.

⁶ Njic mutucne moczi gâwieme qiņambu zârâ zocko râepene zahuc parac heekac irec sâc eekac, erâ izi wiac fâri tâmiric jaha ekac wâc.

⁷ Njic maņqârâņhec moczi njic moc eatuckeocmu e njic mutucnere sâc bâfuaocmu, â moc e bâbâmiriņ moneņ roocmuzi maņ mamasasuticne sipirickeocmu.

⁸ Gie fuņkehuc mâcne, baku batararâ manapene biankezejec. Sahac fefe juju i wiac wawahane â bumâtenĵ faio juju izi ine wiac fefene.

⁹ Go kimbenĵ aaric biac mi bâfuazemec, aaric i njic mutucne jaņere maņko fic hae eekac.

¹⁰ Go ziņuc mu wioc moc mi ezemec: “Damenĵ raņqanao wemocte wiac sasawa bianĵne fofârewec?” Wiwio iņucne i maņqârâņ dâņ aricne.

¹¹ Mârenko njic juenĵopenenĵ sasawa nâņâc maņqârâņhec efârenzepenĵ; maņqârâņhec juju i merâfâc wiac babaju irec sâc jaha ekac. ¹² Moneņzi ņezic-nâpoekac irec sâc jaha maņqârâņzi ņezic-nâpooocmu; maņqârâņte fuņne manaenĵopienĵ njic i jaņere juju i maņqârâņzi basanaņkeekac hâcne.

¹³ Go Anutuzi wiac ebac ewec irec manasuhuc juzemec; eki wiac i me i moc bame sâqorewecko ine njic moczi moc sâcne bâtiņneocmu me? ¹⁴ Go gie wiacge batec hatacke-hâmome zeri bubian faio juzemec, me sâqore-gareme ine ziņuc manazemec: Anutu e jujuhâmo â zârâ zâpânehec juju i mâmâc mume fua-nâreekac, irec nâņâc wemo zuhuckerâ maic-nâpoocmu i mi manaengopenej.

¹⁵ Juju-nane i fâri tâmiric ewec, ehame sifu wiac ziņuc fuaekac i hone-fârepo: Njic tiņne jaņe tiņne jaha juhuc hâmo sipiric eengopienj, â njic sindaņne jaņe ine sindaņne jaha juhuc damaņ zora jufeengopienj. ¹⁶ Irec go jujuge biac sipirickezicte tiņne â maņqârâņhec boc mi juzemec. ¹⁷ Erâ njifec ine damaņge mi taraha biac hâmozicte sindaņ â mutuc matacne wâc boc mi juzemec. ¹⁸ Go wiac njifecne ehuc njifecne wâc mi behezemec. Erâ Anutu araņ bacnehuc wiac iņuc me iņuc ebac etec biaņkeocmu.

¹⁹ Maņqârâņzi njic bafic-nâpoekac i gurinj bapa njic 10 jaņe hae moc bafickeengopienj irec sâc jâurukac.

²⁰ Njic moczi damaņ sâc tiņne juhuc bahac moc mi bâfuaocmu i mâreņko moc mi fokac.

²¹ Kiņaņ qaqaģezi sâwecgukac, go dâņ iņuc moc manazicte njic jaņe dâņ muengopienj sasawa irec hazec mi râezemec. ²² Erâ go damaņ gâcnao njic sâwec-jopameņ i go gahac manaekic wâc.

Maņqârâņte babasa gie bapa

²³ No maņqârâņhec juhuc wiac sasaware fuņne bataniņkepemurâ manasupo, ehuc kecziņuc mupo: No maņqârâņ fârine bâfua-hâmozepac,

inuc muhuc boc eipiepo. ²⁴ Jujure fuņne weninuc fokac i mozi mana taraocmu? Jujure fuņne i qame hukicne, irec mana taranęte eipienęopenenę. ²⁵ Erâ no sifu mana tarapemurâ giene zoqachec bapo, ehuc maņqârâņ â wiwio-nanere fârine bâfuapemurâ fotac qatariepo. Erâ ine zinuc sawa mana tarapo: Sindaņne juju i wiac mutuc matacne â mutuc matacne juju i wiac gâgâpâcne.

²⁶ No inuc hone tarahuc ņokacte fuņne zinuc mana tarapo wâc: ņokac e hâmocte sâc jâuruhuc wiac hâtâ qinęinęne inucne ekac. E âgo egareha izi bitinę inucne erâ kicguocmu, â hâpocgume kâpâcwâruzi basanęgukac tinac eocmu. ņic moc e Anutuzi manacneme bianękeekaczi ņokac sâcne wisecneocmu, â ņic hehesicne e ine ņokaczi eatuckeme erao qohotaocmu. ²⁷ Miti Mumu ņiczi dâņ zinuc mukac: No wiwio-nanere fârine bâfuapemurâ giene barâ ba ewarehuc inuc hâcne mana tarapo. ²⁸ Erâ wiwio-nanere okacne gâcne wâc bâfuapemurâ giene bape arictac ewec. No inuc ehuc ņic 1 tausenę janere ņondenęko ņic mocjaha sawa bâfuarâ manacnepe fefene ewec, â ņokac bianęne ine moc mi bâfuapo. ²⁹ Mananęopienę, no wiac keczinuc sawa hone tarapo: Anutu e ņic tinęne â bianęne bâfuac-nâpowec, ehame ņic nâņâc ine mamana biri hatane fuņne fuņne bâfuaenęopenenę.

8

¹ ņic maņqârâņheczi sawa wiacte wiac irec fuņne mana taraekac. E maņqârâņhec jume zâņe

mai-ticne rângeņnezi urueha fie ruruckeekac.

Nicwofunĵe dâĵ reņkezo

² Go ñicwofunĵi dâĵ mutâcne-gareme mana rerenĵ ezemec, ehuc ine Anuturaao mumupaĵ dâĵ i ututuĵ jaha mi muzemec. ³ Ñicwofunĵ e wiac i me i ezo murâ eocmu, irec go ere maio fuarâ wiac irec me irec maname mi sâcĵeha qizec boc mi qazemec. ⁴ Ñicwofunĵe dâĵ i tâpĵri-ticnehec, irec ñic moczi zĵĵuc sâcne mi âzâcneocmu: “Go wemo wiac ekomec?” ⁵ Go dâĵticne mana rerenĵ erâ sâcne jucmu, â ñicwofunĵe dâĵ i mo dameĵko wenĵuc ehuc reņkezo i ñic maĵqârâĵheczi mana taraekac. ⁶⁻⁷ Wiac sasawa ebac enaĵte dameĵ â hata bâfua-nârekicne, ehame juku wiac wenĵucne fuaocmu i kâuc bahuc boc ñemâcĵeenĵopenenĵ, i mozi moc nâzâme mananzapenĵ. ⁸ Ñic nâĵâc hâmoc sâcne mi wisecnenanĵmu â hâmoc dameĵ-nâĵec âke suepene feocte tâpĵri wâc mi fonâreekac. Hâmoĵhec zĵka ĵie bapa i juĵumana tâmiric, â eeatuc moc bâfuahuc sâcne wâc mi behenanĵmu.

Ñic sindaĵne â tiĵne jaĵere dâĵ

⁹ Ñic jaĵe mârenĵko wiac ebac eenĵopĵenĵ irec mamasasu ĵie bahuc wiac i sasawa mana tara-fârepo. Ñic ĵâcne jaĵe tâpĵrihec juenĵopĵenĵ â ĵâcne jaĵe ine ñic tâpĵrihec jaĵere ruru-maĵko juhuc zâic manaenĵopĵenĵ. ¹⁰ No ñic sindaĵne zâĵerunĵko ducĵopapĵie honec-jopapo, erâ ñic jaĵe zâĵerunĵ ĵieonec risiehuc ñic sindaĵne jaĵe qârĵicne juhuc hae-ĵenĵicko wiac ĵâĵâpâcne

ejumbienj irec mumbianj-jopapie manapo. Wiac i wâc fâri tâmiric jaha.

¹¹ Njic jaņe wemocte afeckerâ wiac hehesicne boc eengopienj? I okacne biac mi fisi-jareekac irec. ¹² Sâqocne bapa moc e wiac hehesicne eme arecne 100 mecne eha sifu zuhuckerâ jufeku njicqizec eocmu. Erâ no ine sifu zinjuc manakopac: Anutu arañ bacnehuc juengopienj jaņe arañ bapajenigte jujuhâmo bâfuanijmu, ¹³ â njic sindaņne jaņe ine jujuhâmo bâfuahuc damaņ zora mi junijmu. Jaņe Anutu arañ mi bacneengopienjte juju damaņ-jenig i nâkumuc injucne fuarâ omaeocmu. ¹⁴ Erâ i wâc fâri tâmiric jaha ekac. Manakic, mâreņko wiac keczinjuc fuaekac hâcne: Njic sindaņne jaņe okacne fua-jareocte mukicne i njic tiņne jaņere faio feekac, â njic tiņne jaņe juju bapajenigte furi ronijte mukicne i ine njic sindaņne jaņe roengopienj. No irec hâcne mukopac: Wiac i fâri tâmiric jaha ekac.

¹⁵ Irec njic nâņâc zeri bubianj faio junaņte mukicne i hata i me i âtehuc mâcne, nânâ opâ nâhuc zeri bubianj ee hata i mocjaha fonârekac. Anutuzi juju damaņ banârewec irec maņnao zâic gie sâko bahuc wiac i sawa sâcne enaņmu.

¹⁶ No maņqârâņhec erâ mâreņko wiac fuarâ foekac irec fuņne manapemurâ zoqac sâko ehuc zinjuc sawa mana tarapo: Nâņâc zoaņko me ŋafeo guņqâri juhuc mamana gie barâ ¹⁷ Anutuzi wiac ebac eekac irec fuņne i sifu mi mana taranaņmu. Nâņâc irec mamana gie samarierâ bahuc sifu mi mana taranaņmu. Njic maņqârâņhec jaņe

irec funje manangopenen, injuc muhuc sifu kâuc
baengopien wâc.

9

Nic nâhâc katucne sâckoa rofârenaŋmu

¹ No wiac sasawa irec manatâc gâtâc boc ehuc
ziŋuc mana tarapo: Anutu e njic maŋqârâhhec â
tiŋne jaŋere eebapa irec guriŋ bahuc maŋjaun
â aaric-jeŋicte guriŋ i wâc mâmâc baekac. Irec
njic nâhâc wemo wiaczi maic-nâpocmu i nâhâc
moc mi manaengopenen. ² Wiac fuaocmu i
njic mâmâc sasawa rocnâpocmu, njic tiŋne â
hehesicne, biaŋne â sâqocne, mitihec â miti
tâmiric, Anutu araŋ bacneengopenen me mi bac-
neengopenen, nâhâc mâmâc rocnâpo-fâreocmu.
Ine hâcne, sâqocne bapa wiac fuacneocmu sâc
ijaha njic biaŋne fuacneocmu, â mumupaŋ dâŋ mi
muocmu e njic mumupaŋ dâŋ mume wiac fuac-
neocmu irec sâc jaha fuacneocmu. ³ Njic mâmâc
sasawa okacne sâc ijaha rofâreengopenen izi
hâcne mârenko wiac gâcne fuarâ foekac i siricke-
huc sâqoreekac. Njic jaŋe mârenko jufeengopien
sâc mamasu hehesicne â gâgâpâcne bajuku
hâmorâ hâmoticne jaŋerao zuhuckeenngopien.
⁴ Â moc e mârenko qâricne juengopien jaŋere
ŋondenko juha woworic-ticne foekac jaha; qâto
moc juocmuzi laioŋ hâmocnere sâc sirickeocmu.
⁵ Qâricne juengopien jaŋe juku hâmonaŋmu i
manaengopien, â hâmoticne jaŋe ine wiac moc
mi manaengopien. Ehuc zuhuckerâ furi roro i
mi eniŋmu, â njic moczi moc jaŋere mocwâc mi
manasuniŋmu. ⁶ Jaŋe hâmohapie maŋjaun-jeŋic â

aaric-jeñic â zoqac-jeñic i mâmâc omae-fâreocmu. Jañe mâreñko wiac i me i fuaocmu ira zuhuckerâ gie moc mi baniñmu.

⁷ Ajoc, go nânâge nâhuc bubian manac, â waiñ opâge nâhuc zeri ec, go iñuc ecmurâ Anutuzi mârâc jaha biac mana-gareme sâckewec. ⁸ Irec go dameñ sâc zeri bubian faio juzemec. ⁹ Ñokacgere egareekac ehac zeri bubian faio juzemec, Anutuzi mâreñ zira juju fâri tâmiric garewec i fogareha iñuc hâcne ezemec. Ehuc juju dameñge fâri tâmiric sasawa irec zeri bubian manazemec, go mâreñko zâic gie sâko bahuc juhan̄tec zeri bubian i sawa fua-gareocmu hâcne. ¹⁰ Go gie i me i zoqachec bazemec, i wemocte? Hâmokicne jañere hæao racmu ira gie me mamana me mamana tara me mañqârâñ moc mi fokacte iñuc hâcne ezemec.

¹¹ Erâ no mâreñko wiac kecziñuc wâc fuame honepo: Njic gasackeen̄gopien jañe mao fisirâ furi mi roeen̄gopien, â ñic zoqachec jañe zikao mi sanan̄keen̄gopien, â ñic mañqârâñhec jañe nânâ wiac boc mi bâfuaen̄gopien, â mamana sâkohec jañe moneñ mafa boc mi hureen̄gopien, â ñic mamana sarichec jañe gie fekicne boc mi rauc-keen̄gopien. Jañe sasawa wiac busâqocnehec fua-jareekac hâcne. ¹² Njic nânâc dameñ banârekiçne i moc mi manaen̄gopenen̄. Ine qowi jañe mi manahuc bitin̄ko razipie kicjopaekac, â hâwec qowi jañe wâc mi manahuc wasan̄ko jowaen̄gopien irec sâc jaha ñic nânâc mi manahuc juhapene dameñ sâqocnezi ututuñ jaha maic-nâpoekac.

Mañqârânzi tâpirire sâc sirickehuc wiac fefene ekac

¹³ No mârenko wiac kecziñuc wâc fuame honerâ manape boc fefene ewec: ¹⁴ Mârenj mocko hae piticne moc ñewec, erâ ñecjucfâc-ticne jaje afecne sawa. Ehame ñicwofuñ tâpirihec moczi momorifâc-ticne jajehec fisirâ hae i somâckembiñ. Somâckerâ qânâsac âkezurâ haeo feniñte zae wiac bambiñ. ¹⁵ Erâ hae irec mañnao ñic hapetac moczi mañqârâñhec juwec. E mañqârâñ dâñticnezi hae i râsifâc-ticne jañere meonec batarawec. Ehame zâhec ine ñic ere mocwâc mi manasumbiñ. ¹⁶ No iñuc honerâ ziñuc mana tarapo: Mañqârâñzi tâpirire sâc sirickehuc wiac fefene ekac; ñic gâcne jaje ine ñic waha qağanere mañqârâñ qaisockeenjopien â dâñticne wâc qikiñneenjopien.

¹⁷ Ñicguru mutuc matacne jañere micnezi dâñ musokahuc mume hazec mi râenzepeneñ, ñic mañqârâñheczi dâñ urucne mume ine mana rerenj epene biankeocmu. ¹⁸ Mañqârâñzi zikare wiac sirickehuc gie bianje baekac, â bâbâsifuc ñic mocjaha maczi ine wiac bianje bocjaha ima baekac.

10

Eebapa mutuc matacnerê fârine gâcne

¹ Mâkâc hâmocne jaje wokemañ âsu bianko hupie wokemañzi âsu sâqocne fiocmu, irec sâc jaha dâñ mutuc matacne afecnezi mañqârâñ dâñ bawahaocmu.

² Ñic mañqârâñheczi wiac fâretin jaha ebac eekac, â ñic mutuc matacnezi ine wiac hehesicne

ebac eekac. ³ Njic mutuc matacnezi njic furune mutuc mujarehuc e jahacne funje bataniņkeekac.

⁴ Njicwofunjezi aaric mana-gareme sifu giege mi behezemec, go mâtenje jutec kiņje beheocmu mecne.

⁵ No mârenj sâc njicwofunj jaņe wiac hehesicne kecziņuc epie honepo: ⁶ Jaņe njic mutucne jaņere meo gie fekcicne râehuc njic monenj mafa sâkohec jaņere meo ine gie omane râeenjopienj. ⁷ No kiņaņ qaqa jaņe becâsic faio ņehapie njic fekcicne jaņe kiņaņ qaqa jaņere sâc kikezi rahapie honec-jopapo.

⁸ Go nombânj moc rocmuo ine gahaczia hucmu, â ficsâpe moc heropiehaņ homazi kicguocmu. ⁹ Qânâ wiac rohuc juhapene qânâzia ņemac-nâpooocmu, â zoc hesuckepene izia nâpooocmu. ¹⁰ Râricge micmânj eha mi zâmucmuo ine gie sâko gareocmu, irec qanaņ mamanasu gie barâ wiac ebac etec sâckeocmu. ¹¹ Go homa moc biac kicguha faicnao sawa bâmâtenjkecmu i fâri tâmiric eocmu.

¹² Njic maņqârâņhec e dâņ muocmu izi hâcne zâņe biņe-ticne bafahareocmu, â njic mutuc matacne e ine dâņticnezia sipirickeocmu. ¹³ E funjerâ dâņ mutucne muekac, erâ muraku dâņ gâgâpâcne jâmbânj muhuc mutaraekac. ¹⁴ Njic mutuc matacnezi dâņ zuzuhuc jaha muekac.

Njic nâņâc wemo wiaczi maic-nâpooocmu i mi manaenjopenenj, erâ juku hâmopene irec faicnao wemo wiac fuaocmu i njic moczi moc sâcne wâc mi nâzâocmu.

¹⁵ Njic mutuc matacnezi hae-ticnere hata basahuc gie sâko baku docke betanj eocmu.

¹⁶ Opon, mâren mocte ñicwofunzi qie hawari juocmu â fekcicnefâc-ticne jañe ñafe zora tiwâ bâzi sâko nâhuc juhapie hae fureme mâren i sâqorerâ foomu. ¹⁷ Â mâren moc irec ñicwofunzi ñic sanañe juocmu â fekcicnefâc-ticne jañe tiwâ bâzi-jeñic dameñkoa nâ bac ehuc opâ sanañ nâpie manjeñic mi sifuckeme mâren izi ine bianñe foomu.

¹⁸ Ñic moc e ojon juhuc ficbupu-ticne mi bâpiankeha hoe wahame juku ficticne zankeocmu.

¹⁹ Nâñâc tiwâ bâzi nâhuc bubian manaengopenen â wain opâ nâhuc zeri bari eenngopenen, erâ ine wiac i monen tâmiric mâc rorâ nânâne mi fokac.

²⁰ Ñoñe ñicwofun-ñeñic hofao me soñsoñko mi sâweckenzeñen, erâ ficñeñicko ñehuc ñic monen mafa sâkohec jañe wâc mi sâwec-jopanzeñen; wipe jañe dânñeñic manarâ ra dânrune jazanzipinñe inuc mi enzeñen.

11

Ñic manqârâñheczi wiac ebac eocmu irec dân

¹ Go monenñe qikiñnetec izi gie bame juku zuhuckerâ fua-gareocmu. ² Erâ gie mocjahare sawa mâcne, gie 7 me 8 irec biñe qikiñnezemec. Go mârenko wemo ñemâc moc fua-gareocmu i mi manakicte inuc hâcne ezemec.

³ Karoraczi qâzuckerâ gâpârehuc hoe heekac, â jâc moczi juwicpec me faicpec fararâ ijaha foomu. ⁴ Go hoe mânâñ jahere soñañ bahuc gie he sarac mi ecmuo ine qa roro dameñ maickeme

fârine basacmu. ⁵ Neŋgoc bumaŋko ŋic qâricne weninuc ehuc maŋ sahachec fuaekac i mi manaenġopeneŋ, inuc jaha wâc Anutu bapafâre rune e gie bapa-ticnere fuŋne mi manaenġopeneŋ. ⁶ Go furicte â owâcne gie he sarac ezemec; go wiac wenimoizi biankeocmu â wenimoizi sâqoreocmu, me mâmâc jaha fua bian eniŋmu i mi manaekicte inuc hâcne ezemec.

⁷ Tatamac i wiac bianne, irec zâŋe-nâŋeczi zoaŋ tatamac honerâ bubiaŋ manaenġopeneŋ. ⁸ Go mâreŋko jufecmu sâc bubiaŋ manazemec, ehuc dameŋ zoricne me bembene jufehuc zinuc manasuzemec: No juku hâmorâ dameŋ zora fopemu. Wiac fuaocmu sasawa i fâri tâmiric efâreocmu.

Socqâri jaŋere uŋsawaŋ dâŋ

⁹ Njic ŋokac socqâri ŋoŋe aŋac faio junzepieŋ, erâ socqâri jaha juhuc bubiaŋ manarâ zeri bari enzepieŋ. Ehuc ine wiac ebac eniŋmu irec Anutuzi juku dâŋgieo râec-ŋopaocmu i manasunzepieŋ.

¹⁰ Wiac irec me irec mana mezac ehuc busâqoc mi enzepieŋ, ŋoŋe dameŋ zora socqâri mi juninŋmu.

12

¹ Njoŋe socqâri jaha juhuc bâbâfua-ŋeŋicte manasuhuc junzepieŋ: juku zâhec ine zârâ zâpâ dameŋ maic-ŋopame zinuc muninŋmu: “Nâŋe jujure mocwâc mi aŋac-nâpoekac.”

² Dameŋ ira hâcne mosa zoaŋ â bâpiŋ jaŋere tatamaczi gâpâreocmu â karoraczi mocwâc mi tâtieocmu. ³ Ehame meŋeŋic bafic-ŋopahuc

juwec i betan̄keocmu, â kike-ŋeŋic sanan̄kerâ domaekac i jâjâwâckeocmu, â micsiec-ŋeŋic gâcne mârân̄keme nânâ wiac-ŋeŋic kidockezo eipien̄iŋmu, erâ wâc zân̄-ŋeŋiczi dapâc eme wiac honepie sisifucne eocmu. ⁴ Hae zoŋao fânân̄ wiac fuame sâcne mi mananiŋmu, ehuc padi ton̄ton̄ko âeckepie irec fânân̄ wâc mi mananiŋmu, â gae wohuc won̄gân̄ qapie irec fânân̄ i wâc iŋuc jaha mocwâc mi mananiŋmu, mâc wipe jaŋe dâŋepie ine guŋkonec mana qâqâreniŋmu. ⁵ Noŋe damen̄ ira tiki mâren̄ko juhuc hâwic-ŋopaocmu, â hata raniŋte boc eipien̄iŋmu. Ehame jan̄qân̄zi âkec-ŋopaocmu â sasecte tâpiri-ŋeŋic wâc omaeocmu.

Nân̄ac jujumana hae-nân̄ecko rahapene hae zoŋao ki mamakuc fuarâ foomu. ⁶ Juju-nân̄ecte niŋŋiŋzi tâcneocmu, â lambe-nân̄ec golzi bakicne i waha qanzaŋneocmu, erâ opâ pakere muc i tâcneha pake e jahacne wâc qanzaŋneocmu. ⁷ Sahac-nân̄ec mâren̄zi bakicnere mocwâc mâren̄ jaha eocmu, â qâqâtâc-nân̄ec Anutuzi nârewec e ine mocwâc e jahacnao risieocmu.

⁸ Erâ wiac i sasawa fâri tâmiriczi fâri tâmiric ekac, Miti Mumu NĪczi iŋuc mukac.

Qâqâhâc dân̄

⁹ Erâ ine Miti Mumu NĪc e man̄qârân̄hec juwecte wiac manawec sâc i sifu zuhuckerâ ŋic ŋokac jaza qazuc ewec. Ehuc muqâqin̄ dân̄ gâcne gâcne i jâmbomac me burec irec fuŋne bataniŋkeocte mamana gie sâko bawec. ¹⁰ Erâ bâbâmirin̄ dân̄ mu qâren̄ ewec sâc i dân̄ fârine sasawa efârewec. ¹¹ NĪc man̄qârân̄hec jaŋe dân̄

mueᅅgopieᅅ i lama soᅅaᅅ jaᅅere gunu tetečne iᅅucne. Erâ i soᅅaᅅ sâko-nâᅅec, Anutu hâcne, eki tahac-jopawec.

¹² Nokâ-mae, no dâᅅ moc gazape manac: Nĳic jaᅅe papia qizec bocjaha qâreᅅkeᅅgopieᅅ, eme go papia i sasawa irec mamana gie zoqachec bahuc betañkezicte rucjarige bahuc juzemec.

¹³ Erâ dâᅅ muwarekicne irec fârine mocjaha fokac i wâc gazape manac: Go Anutu araᅅ bacnehuc sâcmutâc dâᅅticne reᅅkezemec. Nĳic nâᅅâc wiac i hâcne enaᅅte bâfuac-nâpokicne.

¹⁴ Anutu e wiac sasawa, biaᅅne me sâqocne, erâ wâc soᅅsoᅅko ebac ekicne irec sâcko dâᅅnâᅅec mutaraocmu.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c